

zwey andere bedencfen / eines so auß seiner
 Persohn/das ander auß der sach/in welcher
 er sich übt / genommen. Sein Persohn be-
 treffent / ist es freylich nit hoch zuschätzen /
 so ein geringer vnd schlechter Mensch in der
 gleichen Gedancken sich auffhalte / aber in
 einē hohen stand die Demuht bewahren / ist
 etwas selkames vnd verwunderlich. Der
 gleichen ist gewesen Fauerius / dann anzusehen
 sein Geschlecht / war er von Adelichem
 vnd Königlichem Hertömen / nit geringer
 sein vermögen vnd zeitliche Güter / grosse
 vnd ansehnliche Freundschaft / schöne vnd
 fürtreffliche / Seelen vnd Leibsgaben : dem
 Ampt vnd Würde nach / so er vom Aposto-
 lischen Stuhl empfangen / im höchsten An-
 sehen / deren doch aller vngeacht / je höher er
 sich köndte erheben / je mehr thät er sich ernie-
 drigen : auß welchem Staffel der Demuht
 nit weniger sein Heyligkeit kan verspühret
 werden : dann in gemein von den heyligen
 Männeren / dise drey Grad der Demuht be-
 nennet werden : erstlich sich dem höheren
 vndergeben : zum anderen sich dem / so ihm
 gleich